

مشاورت قلم

محل مطبعه و اداره :

جفال اوغلانده امنيت
صندوقى جوارنده
شكول يقوشنده
۲۲ نومرو

امطار :

مسلکمه موافق آثار
جدیده مع الممنونیه
قبول اولنور

درج ایدلمه یین آثار اعاده اولتماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه بحث ایدر دهفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرلهدن مقوا بورو ایله کوندربلیرسه سنوی
۲۰ غروش فضله آلنیر

سنة لکی	التي آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

عدد : ۱۳۰

۳۰ صفر پنجشنبه ۱۷ شباط ۳۲۶

بشنجی جلد

عصر حاضرده اسلام

- ۲ -

اون دردنجی عصر اسلامیده افغانستانک و افغان قوم نجینک انتباه و تکاملی سائر ممالک اسلامیه تکامل و تمدنه نسبتاً دها علوی، دها سویلی در، صرف روح اسلامیت ایله متبوع بر تکامل مدنیتدر. محیطی و همجواری اولان حکومت اسلامیه نیک اسباب تدنی و انقراضنک تبعندن، اون اوچنچی عصر هجری سیئات و مصائبندن حصه مند اولمقدن متحصّل بر انتباهدر. غربک چیرکین و ملوث صفحاتندن، یکرمنجی عصر مدنیتک بالعموم اخلاق سزلغندن معراء بر مدنیت اسلامیه نیک افغانستانده حصوله کتور مکده اولدینی انتباه و ترقیات بزجه دهافیزی، دهاموجب رجحاندر. افغانستانک اسلامیت و دیانت ایله مشجون اولان تکامل مدنیسی؛ اتحاد اسلامک رکن اساسیسنندن برینی تشکیل ایده چکنه هیچ شبهه یوقدر. چونکه معاشر اسلامک تکامل و ترقیات مدنیسی غربک افکار فاسده و عادات سفیهانه سندن نه نسبتده دور اولورسه اون نسبتده توسیع دأره ایده رک سریراً موجب انتباه عمومی اولور. صلابت دینیه و اسلامیه مزی رخنه دار ایده چک اولان افکار مدنیت بز یالکیز خاک هلاکه سور و کله مکدن بشقه بر شیشه یاراماز. اسلامک ادوار ترقی و تمدنی غرب و شرقک جلادت اسلامیه قارشو سنده سرفرو بولندینی عصرلری تخطر ایده چک اولورسه ق اووقلر اهل اسلامک صلابت دینیه سی جلادت ذاتیه سی قدر اولدینی در حال تصدیق ایده رز. تمدن اسلام، ترقی اسلام، انتباه اسلام؛ اتحاد اسلام هپ، هپ غربک افکار فاسده سندن سیئات اخلاقیه سندن و ارسته قاهره دین مینمزه تمسک، قواعد ملیه و اسلامیه مزه رعایت ایله سریراً حاصل اوله جنی ازاده ایضاحدر.

ایشته افغانلیلرک قوانین اسلامیه دأره سنده، صلابت دینیه لری رخنه دار اولیه جق بر صورتده اولان ترقی و تعالی لری موافق روح اسلامیت اولدینندن یارین بتون عظمت، حشمیه طلوع ایده چک اولان اتحاد اسلامک رکن قویمنندن برینی ده البته افغان مدنیت اسلامیه سی تشکیل ایده چکدر.

صوک و قتلرده افغانلیلر، تعصبات مذهبییه نیک تشنت اسلامیه یی موجب، اتحاد اسلامی عقیم براقان عوامل مؤثر ددن بری اولدینی ده ادراک ایتیه باشلامشدر، اسکیدنبری سنیلک - شیعیلک تفرقه سندن طولایی افغانلیلر ایرانیلره بر عداوت مخصوصه بسلیورلردی. حتی بو عداوت مخصوصه نتیجه سی اوله رقی بو ایکی ملت پک چوق اراقه دمده، منازعات مذهبییه ده بولنشدر و بوندن طولایی تاریخ اسلامده سیاه صحیفه لر وجوده کتیر مشلردر. ادوار ماضیه ده عالم اسلامیتی تارمار ایدن بویه فجیع و قزعاتک تخطری ازعاج قلوبدن بشقه بر شیشه یاراماز.

بحمداه بوکون افغانلیلرک دارالخلافه دن آلدقلری حسیات اسلامیه نتیجه سی اوله رقی اسکیدن جایکیر بولنان عداوت مذهبییه دن فراغت ایتدکلری حتی ایرانی قرداشلرینی ورطه فلا کتدن قور تارمیه عزم ایتدکلری کوریلور.

ایشته افغانستان سردار عظامندن برینک عموم افغانلیلر نامه اوله رقی سردایتدیکی بیاناتی کلکسته ده منتشر «Englishman» «انگلیزمان» غزته سی نشر ایده رک اندن ایران غزته لری اقتباس ایتمشلردر که شایان اهمیت اولدینندن بوجه آتی عرض ایده لم:

«عالم اسلامک شو صوک سندرده اولان نیقظ و انتباهنه نظر بصیرت و حقیقت ایله باقاجق اولورسه ق در حال اعتراف ایده رز که مسلمانلرده بویه انتباه عمومی قطعاً سبق ایتیه مشدر. انگلیزلرک ایرانیلره قارشو مجرد بر اولتیا نوم تبلیغ ایتلر ایله عالم اسلامده حصوله کلن غلیان، هیجان انتباه اسلامک وجودینه اجیق برهان قاطعدر. مذکور اولتیا نوم تبلیغی مناسبتیه ایلاک دارالخلافه ده عقد مجلس ایده رک (سنی) عثمانلیلرک (شیعی) ایرانیلره مظاهرت و اخوت کوستره رک انگلیزلرک حرکاتی شدتی صورتده پروتستو ایتلری و اوازه شکایتی عیوقه قدر چیقارملری مسلمانلرک جالب نظر دقتی اولمش و افغانلیلری ده ایقظ ایتمشدر. بالعموم مسلمانلر، دارالخلافه نیک بوتمشندن متنبه اوله رقی غفلتدن او یانمیه، اتحاد و اشتراک لزومنه قائل اولیه باشلامشلردر. بتون مسلمانلر، هر درلو اختلافات و منازعاتی بر اقوب ال برلکیله یکدیگره معاونت و مظاهرت ایده رک اسلامیتک باشنه کله چک مصیبتلرک دفعنه چالشمه یی و جوب درجه سنده تلقی ایتمشلردر. افغانستان اهالی اسلامیه سی ده قومشوسی ایرانی قرداشلرینک امدادینه یتیشمه یی کندینسنجه فرض بیلمشدر. انگلتره هیچ بروقت بویه قبالی سیاست قوللانمیه مشدی. بودفعه عالم اسلام، قیامی خاطرینه کتورمیه رک بویه تجاوزات علنییه ده بولنمی ینه مسلمانلری بر سیرجی اوله رقی قاله جقلرینی دوشونمسنندن ایلری کلشدر که بوراده پک چوق یاکلشدر. لقد ضعف الطالب والمطلوب! بالخاصه افغانلیلرک قومشولرینک امدادینه یتیشمه چکلرینی اصلاطن ایتیموردی.

ایشته بن، بالعموم افغانلیلرک وکیلی و ترجمانی اوله رقی سویلیورمکه افغانلیلر هیچ بروقت ایرانی قرداشلرینک مغدو و مظلوم اوللرینه روی رضا کوسترمزلر. دائماً معناً ماده موافقه آماده بولندقلرینی تأمین ایده رم. بر زمان کله چک که انگلیزلرک روسلر ایله اولان اتفاق و اشتغال فرندن نادم اوله جقلرینه هیچ شبهه یوق. حتی دییه بیلورمکه بو اشتغال هندستانک قابولرینی روسلره احققدر. افغانستان ایران ایشلرینه بیکنه دکلدرد. ایراندک محوی افغانستان مقدراتی اوزرنده بیوک تأثیر اجرا ایده ر. شمیلک افغانستانک سکوتی بر فرصت یکه مکدن و ایشک نتایج و عواقبه انتظار ایتمکدن بشقه بر شنی دکلدرد. افغانستان ایشک فنا اوله جقنی حس ایتدکجه اورته یه آتیه چقدر. و اووقت رقیلر طاقت کتورمیلدرلر. انگلتره دولتی هانکی قوقی ایله ایران یایلا- لرنده بولنه چقدر. بلا محابا سویلیورمکه انگلتره نیک ایران یایلا رینه سوق ایده چکی قوه حربیه سی بر بولفندن عبارتدر، خیالدر. ینه افغانلیلر انگلتره قوه حربیه بریه سنک خیال و بولفندن عبارت اولدینی تجربه ایده رک سویلیورز. ترانسوال محاربیه سی دلیل ثانیزی تشکیل ایدیور. مادامکه، ایرانیلر مسلماندر، بز افغانلیز. مقتضیات دین و ایمان

اوله رق ایرانیلرک امدادینه یتشه جکر . عصیت وحیت اسلامیه من قدراشمز ایرانیلرک ضیاع حقوقه و مغدوریتنه دائماً مانع اولور و اوله جقدر ، مسلمانلر اوزرینه اولان تجاوزاتی منع ایتک هر مسلمانک فریضه ذیتدر . انکلره داهیسی « غلاستون » النده قرآن عظیم الشانی آلاق پارلامنتوده بو کتاب ماما اسلامیه نك تقسیمه ماندر . دییه صلیبونه چوقدن خبر ویرمشر . روسلر ایرانده باقی قالدیچه ، ایرانی آزار آزار اشغال ایتدیکه بزانیکلرله قطعاً امنیت و اعتماد ایتیه جکر . ایران مملکتی تجاوزات و تعرضات اجانبدن مصون قالمیه جق اولورسه افغانستان قیامیه و محاربات متفقہ متوالیه ایله « هند » و « تبت » ک تزلزله اوغرایه جغندن قورقوروم . حتی دییه بیلورمکه تجاوزات اجانب عثمانی ، ایران و افغان دولت و ملتلرینک قیامی موجبدر . سائر اقطار اسلامیه اولان مسلمانلر کرک افریقاده و کرک آسیاده اولان دین قدراشلمزده بومنع تجاوزاته اشترا ایده جکر و بو دائره نك خارجنده قالمیه جقدردر .

بوندن صکره سردار اعظم ایرانیلرک روسلره قارشو طوطدقلمی مسلکی تنقید ایدرک دیورکه : ایرانیلر قادین اباسی کیمشدر . نهوقه قدر صبر ، حلم کوستره جکردر . بویه صبر ، حلم ایله ایرانک و خامتی کوندنکونه تزیایدیده جکر . ایرانیلر بیلیملی ایدیلرکه روسلر بو سکونتدن استفاده ایدرک ایرانده یراشمیه غیرت ایده جکردر . عسکرلرینی ده کیرییه چکیمیه جکردر . افغانیلر سیاست ایشلرینه جاهلدرلر ، فقط بویه ذلت ، مسکنت و حقارتی قطعاً هضم ایده میه جک خصایص برکزیدهیه مالکدرلر .

ایشته صوک سوز اوله رق دیورمکه اگر ایرانی دین داشلریمزک مجتهدلری فتوای جهاند ویره جک اولورلرسه بزیمده علما و ملالریمز اوفتوای منیفک افغان قومنه اولان شمولانی تأیید ، تصدیقه مهیا بولنیورلر . . . « من لم یمت بالسیف مات بغیره » « تنوعت الاسباب والموت واحد »

نور علی زاده

غیاث الدین حسنی

مکاتیب

ژاپونیادن :

سیاح شهر عبدالرشید افندی حضرالرینه :

حرمتلو پدرمن !

چوقدن مکتوب یازمه دیغم ایچون عفو کزی استرحام ایدرم ، صوک درجه ده مشغولیتمزدن بردرلو وقت بوله ندق . مع مافیه بزم قلبلرمن دائماً سزک ایله در . جمعیتز رئیس اوحادا اللرکزدن بوس ایدر . مخدوملرکزک توکیویه تشریفلری بزم ایچون غایت بپوک شرف اولدی . جمعیتز اعضالرندن هر برنده اوکوندن اعتباراً برار حیات مشاهده اولندی ، هراشمزده جدیت کورولدی . مسجدا ایچون تدارک ایتدیکمز

عرصه نك برکنارینه کندیمره مخصوص براداره خانه بنا ایتدک ، اوراده تجمع ایدیورز ، هراشمزی اوراده کوریورز ، بر طرفی لسان تورکی تعلیماته مخصوص مکتب یابدق ، اولادلرکز برقاچ ژاپونلری تعلیم ایدیورلر ، شو صورتله هم تعلیمات دینه هم عبادت ایچون موقت یرمن اولدی ، اوجهته غایت ممنون . هیچ اولمزرسه بردرجه کندی یوامزله باش صرقدق دیمکدر . شیمدی سزده بر آز همت ایتسه کزده مسجدمزی بر میدانه چیقارسق صوکره آرتق ژاپونیاده اسلامیتک اساسی قورولدی دیمک اولوردی . اخوانمک کافه سی اللرکزدن بوس ایدر . فیابعد آدرسمز دوغریدن دوغرییه کندی اداره مزه اوله جقدر : توکیو - آکاسا کا اومانی مایچی ۳ نومرو ۱۰

بوکون برنجی دفعه اوله رق کندی اداره خانه مزده اجتماع ایتدک ؛ بومکتوبی دخی سزده اوجمیت آغزندن یازیورم . ان شاء الله عن قریب ده مفصل مکتوبلر یازارم . اوغلوکز نا کانو توکیو ژاپونیا ۱۳ کانونانی

§§§

۱۱ نجی کانونانی تاریخنده آنارشیت لردن اون ایکی آدمه اعدام جزاسی اجرا اولمشدر . بونلر اساساً ۲۶ کیشی اولوب ایچلرنده بریسی قادیندر .

رئیسلری (کوتوکوده نجیرو) نامنده غایت عالم بر آدم اولوب بوبابده یازمش اولدینی اثرلری دخی پک چوق ایش .

بونلرک اعدامه محکوم ایدیلهلری ایچون توکیوده اهالی غلیبان ایدرک میتینغلر پایدیلر ، نهایت بویکرمی آلتی کشیدن (هپسی اعدامه محکوم ایکن) ۱۳ کیشی میقادو فرمانیه عفو اولنه رق مؤبد قلعه بند اولدیلر . بو وقعه ژاپونلر ایچون غایت حائز اهمیت اولدی . زیرا (۲۵۷۱) سنه در بزم تاریخ مزده بویکی بروقه یوقدر دیورلر .

بو آنارشیتلر کاملاً امریقالیلر علاقه دار اولوب یالکز میقادوبی دکل ، بلکه عموم خاندان ایله مأمورین حاضره نك کافه سنی اولدیرمک فکرنده اولدقلمی ثابت اولمشدر .

ژاپونیاده بوندن قرق الی سنه مقدم بزم فسلمز بچیمنده قیرمزی فس کیهرلر مشر ، بوکاده (تورکو-بو) تورک قالمیخی دیرلر مش . شیمدیده کوی اختیارلرنده نادراً بولنورمش . بوندن ژاپونلر تورکلر ایله مناسبات قدیمه لری اولدیغنی سویلورلر . ذاتاً اخلاق کاملاً تورک - مسلمان اخلاقدر .

برکون خانه مزده بولمقده ایکن بری کلدی ، بزی صبردی ؛ بیوروکز دیدک . ژاپونلرده نادر کوریلر اوزون بویلی ، کوکشی آجیق ، آباغنده بیاض چوراب ، اوستنده تاقونیه ، کسب معارفه ایتدکدن صوکره دیدی : - سزک تشریفکری غزته لرده اوقودم ، صوک درجه ده ممنون اولدم . بن رشید افندی احباسندی پارلمنتو اعضاسی ساسا کییم ، خوش کلدیکز ، صفا کلدیکز . بزم پارلمنتویه کلسکز کوروکز . بزده چوق ممنون اولورز . سزده کنج آدملر سکیز ،